



Pranuar / Dorezuar Priljepleno / Prilato Received / Delivety	04.11.2022	viti god year	2
Organ / Njësia Organ / Jedinica Org. / Unit	Nr. Prot. Br. Prot. Prot. No	Shtesa / Prilog Appendix	Sasia Kolicina Quantity
SKDMSHUK	6741/2022		113



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.818/2022

Këshilli i Pavarur Mbikëqyrës për Shërbimin Civil të Kosovës- Kolegji për Shqyrtimin dhe Vendosjen e Ankesave në përbërje nga: Ardita Haxhnikaj-Demi-kryetare, Arben Mehmeti- dhe Jeton Koca-anëtarë, me Ilire Mehmeti-Shaqiri-Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën me numër A.nr.818/2022 të datës 23.09.2022, të parashtruar nga ankuesi _____ përmes përfaqësues me autorizim avokates kundër organit të punësimit/Ministria e Punëve të Jashtme dhe Diasporës, në çështjen juridike "*kompensim material*", duke vepruar në pajtim me nenin 6 paragrafin 1 nënparagrafin 1, nenin 16 paragrafin 3 si dhe nenin 18 paragrafin 1 nënparagrafin 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 04.11.2022, mori këtë:

V E N D I M

Hedhet poshtë si e palejuar ankesa me numër A.nr.818/2022, e datës 23.09.2022, e parashtruar nga ankuesi _____

A r s y e t i m

Ankuesi _____ me datë 23.09.2022 përmes përfaqësuese më autorizim avokates ka parashtruar ankesë me numër të protokollit 5632/2022, në Këshillin e Pavarur Mbikëqyrës për Shërbimin Civil të Kosovës, kundër organit të punësimit Ministrisë së Punëve të Jashtme dhe Diasporës, me pretendimin ankimor që t'i njihet e drejta e kompensimit të pagave jubilarë, shujtave ditore dhe shtesave tjera.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 27.09.2022 ka proceduar kërkesën për përgjigje në ankesë në Ministrinë e Punëve të Jashtme dhe Diasporës, ndërsa kjo e fundit më datë 06.10.2022 ka përcjell shkresat lidhur me çështjen ankimore në vendosje.

Kolegji për Shqyrtimin dhe Vendosjen e Ankesave ka administruar këto prova: Ankesën me numër të protokollit 5632/2022 të datës 23.09.2022 të parashtruar nga ankuesi në Këshillin e Pavarur Mbikëqyrës për Shërbim Civil të Kosovës; Kërkesën me numër të protokollit 3592 të datës 09.09.2022 të parashtruar në organin e punësimit; Akt emërimit me numër të protokollit 1053 të datës 16.07.2014; Vërtetimin e marrëdhënies së punës me Nr.Ref.202 të datës 11.05.2021; Vërtetimin e kompanisë Shpejtimi e muajit Maj 2021; Autorizimin e datës 18.06.2021 të ankuesit lidhur me përfaqësimin e avokates Dokumentin e identifikimit të ankuesit; Kërkesën për përgjigje në ankesë të datës 27.09.2022; Përgjigjen në ankesë të datës 06.10.2022; Vendimin me numër 1415 të datës 26.09.2022 Zëvendësueses së Drejtorit të Departamentit për Menaxhimin e Zyrtareve Publik,

Kolegji për Shqyrtimin dhe Vendosjen e Ankesave pasi ka shqyrtuar shkresat e lëndës të parashtruara nga palët në procedurë, ka konstatuar se ankesa e ankuesit është e pa pranueshme, sepse:

Bazuar në shkresat e lëndës, Kolegji i Këshillit ka gjetur së ankuesi sipas Akt-it të Emërimit me numër 1053/2014 të datës 16.07.2014 është i punësuar në ish Ministrinë e Diasporës tani e fuzionuar në Ministrinë e Punëve të Jashtme. I njëjti, përmes përfaqësues me autorizim ka parashtruar kërkesë të Ministria e Punëve të Jashtme dhe Diasporës për kompensimin e pagave jubilarë, shujtave ditore dhe shtesave tjera, ndërsa me datë 23.09.2022 ka parashtruar ankesë në Këshillin e Pavarur Mbikëqyrës për Shërbimin Civil të Kosovës me pretendimet e njëjta ankimore për kompensim material dhe me kërkesën që Këshilli të obligojë punëdhënësin që t'i njoh të drejtën në kompensim material të pagave jubilarë, shujtave dhe shtesave tjera për periudhën kohore nga datat 06.09.2017 deri me datë 06.09.2022, bazuar në dispozitat ligjore që parasheh Ligji për Nëpunësit Civil, Ligji për Paga dhe Kontrata e Përgjithshme Kolektive.

Me tej nga shkresat e lëndës rezulton së sipas konfirmimit të organit të punimit të datës 28.10.2022, organi i punësimit nuk ka lëshuar përgjigje në raport me kërkesën e ankuesit të datës 06.09.2022.

Kolegji i Këshillit lidhur me pranueshmerinë e ankesës i'u referua Ligjit Nr.05/L-031 për Procedurën e Përgjithshme Administrative përkatësisht nenit 98 më të cilin është përcaktuar se: 1. Procedura administrative nisur sipas kërkesës, do të përfundojë sa më shpejt që të jetë e mundur, por jo më vonë se sa afati i përcaktuar me ligj të veçantë për atë lloj procedure. 2. Në rast se ligji i veçantë nuk ka paraparë një afat, siç është paraparë në paragrafin 1 të këtij neni, afati i përgjithshëm i zbatueshëm për përfundimin e procedurës administrative është dyzetepesë (45) ditë nga fillimi i saj...", si dhe nenin 127 paragrafi 1 dhe 4 i të njëjtët ligj ku përcaktohet se: "1. Ankesa duhet të parashtrohet brenda tridhjetë (30) ditëve nga data kur pala është njoftuar për aktin administrativ. 4. Ankesa kundrejt heshtjes administrative mund të parashtrohet jo më herët se shtatë (7) ditë dhe jo më vonë se dy (2) muaj pas skadimit të afatit për njoftimin e aktit administrativ..." e në kuptim të këtyre dispozitave ligjore si dhe duke u bazuar në provat e çështjes, Kolegji konstaton se ankesa e ankuesit e datës 23.09.2022 e parashtruar në Këshillin e Pavarur Mbikëqyrës për Shërbimin Civil të Kosovës është e paraafatshme, pasi që ankuesi ende pa pranuar përgjigje nga organi i punësimit lidhur me kërkesën e ankuesit të datës 06.09.2022, rrejdhimisht ende pa u përmbushur kriteri kohor ndërlidhur me heshtjen administrative parashtron ankesë në Këshillin e Pavarur Mbikëqyrës për Shërbimin Civil të Kosovës. Andaj, mbi këtë bazë konstatimi, Kolegji vlerëson se ankesa e ankuesit e parashtruar në Këshill me datë 23.09.2022 është pa pranueshme në kuptim të nenit



129 paragrafi 1 nën paragrafi 1.3 të Nr.05/L-031 për Procedurën e Përgjithshme Administrative ku përcaktohet se: "Ankesa është e pranueshme nëse i plotëson këto kushte: 1.3. ajo është parashtruar brenda afatit të parashikuar nga neni 127 i këtij ligji."

Theksuar si me sipër, Kolegji i Këshillit duke u bazuar në nenin 18 paragrafin 1 nën paragrafi 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij vendimi.

Vendimi hyn në fuqi në ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.818/2022

Ilire Mehmeti-SHAQIRI


Procesmbajtëse

Ardita Haxhnikaj-DEMI


Kryetare e Kolegjit

Vendimi i dërgohet:

- Përfaqësueses me autorizim të ankuesit
- Sekretarit të Përgjithshëm në Ministrinë e Punëve të Jashtme dhe Diasporës;
- Udhëheqësit të Personelit në Ministrinë e Punëve të Jashtme dhe Diasporës dhe
- Arkivit të KPMSHCK-së.

